



質問本草附錄

目錄


- | | | | | | | | |
|----|----|-----|----|----|-----|-----|-----|
| 荔枝 | 橄欖 | 使君子 | 蒲桃 | 文旦 | 巴豆 | 木繇樹 | 金合歡 |
| 龍眼 | 枳 | 梯沽 | 黃批 | 玉藥 | 金連子 | 醋甲 | 番石榴 |



質問本草附錄目錄

。

質問本草附錄



中山

吳繼志子善輯

質問本草附錄

枕榔

鳳梨

報歲蘭

蒲葵

萋竹

屈子花

荔枝

樹高一二丈葉似冬青排生四時不凋春發穗開細花青白色
花後結子六七月之交熟大徑寸許十數攢生形不正圓殼如
初生松球初青漸紅去殼而食瓢潔白如凝脂味甘香而多液
實果之最美者也聞出閩中者有三十餘品其名稱亦各異矣
然本土所產者才不過一二種大低果採取經一日則色味俱
變此果殊甚矣故收之者連本枝剝取之挾大於蓮子而褐色
下之易生

實問本草附錄

附錄一

龍眼



實問本草附錄


龍眼

葉如荔枝亦經冬不凋樹頗高聳初夏梢上開細黃白花七月子熟每朵十四五顆作穗形正圓大如彈丸殼青黃色瓢薄于荔枝而白色有漿甘如蜜核似批把堅實採子焙乾塗鬱金末可以餉遠謂之龍眼錦產本土者比閩廣者肉薄香味亦少劣矣凡果之美者荔枝亞之為龍眼故有荔枝奴亞荔枝等名也性畏寒往年天甚寒大降霜諸家園樹為之咸枯其明年根際萌蘖今則鬱鬱暢茂暑月清陰圃人多由焉

附

附ノニ

橄欖



質問本草附錄

橄欖


樹似無榘子樹而枝條高聳葉六七排生翠綠可愛二月開細
黃花八月結實狀如長棗兩頭尖已熟青色挾亦兩頭尖而有
稜味苦酸澀有微香蜜漬者頗甜美又鹽藏皆可以致遠生食
或煮汁飲之能消毒殊解鯀鮫及一切魚鼈毒

枳



枳
 木如橘而大葉似橙莖有刺季春生白花花落結子至冬黃熟
 味酸苦不可食七八月之間子未熟時採之以竹刀橫截之曝
 乾收貯忌用鐵器其皮厚而緊實狀為翻肚盆口氣味効用一
 與漢產者無別

使君子



使君子

使君子一名留水子藤大如指繞樹而生葉長二寸許兩兩相對三月開花一朶二十餘花各有蒂其花單瓣五出初淡紅色後變深紅裊裊有海棠之情態子大如拇指長寸許五楞而兩頭尖絕類危子殼嫩則青黃老則紫黑醫家連殼用之以為治嬰艾病之藥



梯沽

梯沽 琉球土名

本土及諸島多產之樹極高大前花後葉而每葉作品字形四月始花每枝直抽長尺許攢花數十朵朵長三四寸狀似頰桐花而有鬚開於下而至于末山谷殊多望之殷紅如燒空梯沽本土名有音無字徐葆光周煌俱書曰梯沽蓋取方音也今用之按密含南方草木狀云九真有刺桐布葉繁密三月開花赤色照映三五房凋則三五復發又屈大均廣東新語云刺桐花形如木筆開時爛若紅霞風吹色愈鮮紅絕無一葉間之者即是也

蒲桃





黃批


蒲桃

樹高丈餘花如冠蕤實內虛核當處處其味甘香蓋閩書南產志所謂菩提菓者亦或乃是歟往有浙江人漂到者指之曰名高梨甫

黄枇

樹高七八尺夏結子狀似雞蛋而大如金橘至六七月熟其味酸甘福州人好食之人家園圃內間植之

文旦



文旦

枝幹扶疎花葉與香藥無別子大徑五六寸皮外黃內淡紅膚
稍滑而味甘酸美于香藥初得種於浙江之舶今處處蕃植矣
朱佩章偶紀云福建福州出文旦而美抽也者即是也




玉藥

玉藥 大島土名
サカリバ

多生川澤枝條頗作蔓倒垂長四五尺嫩條紫色葉似枇杷而潤大夏初出穗開花花無瓣止白鬚黃葯子狀如橄欖兩頭尖而黯赭色有稜邦人謂之佐和藤按周文忠公玉藥辨證跋語云唐人甚重玉藥故唐昌觀集賢院翰林院皆有之非凡境也往因親舊自鎮江招□來遠致一本條蔓如茶藤冬凋春茂拓葉紫莖再歲著花久當成樹花苞初甚微經月漸大暮春出八鬚如冰絲上綴金粟花心復有碧筒狀類膽瓶其中別抽一英出眾鬚上散為十餘藥猶刻玉然玉藥之名乃在於此群芳所未有也古人愛玩如此而邦人不識漫看過不顧可嘆耳

附十

巴豆



質問本草附錄

巴豆

樹高一二丈葉形似烟草而小長三四寸濶二寸許有縱理不甚厚四月梢頭出穗開細花淡黃色六月結實作房生青熟黃老則房自分析中貯三四子狀若海松子而色黃殼薄下之易生新者最俊下入藥宜擇陳者

金連子




質問本草附錄

金連子

チシヤ

枝幹若柿高丈許而皮粗厚有裂紋春生葉形似莢蓬葉面綠色少糙瀟背連莖有白茸毛四月梢上擢穗簇攢小白花其狀筒瓣五出心有鬚鬚端各具黃葯苞將綻微帶淡黃色既開則純白秋結實大如指頭數顆連綴生青熟赭黃材似櫟而堅美也曩清舶來中有識之者嘗目之曰金連子亦有一種止葉薄而尖其他皆不差

金連子



附十二

木絲樹



質問本草附錄

木絲樹

樹似梧桐枝幹綠色間有黯赭及灰白之駁斑高者數丈葉互生其狀五葉攢于一蒂略如大麻葉面綠背粉白春先葉生蕾花六瓣頗類辛夷而深紅色心有黃藥角若檳榔大熟則自分析吐綿翻空如雪然性麓鬆可絮而不可織綿中孕核似梧子黑色有瘡癩落地乃生又挿枝最易活雖或倒挿之亦能活矣

木絲樹



醋甲



醋甲

樹類黃環矮小多枝而不蔓延三四月生葉亦似黃環圓而微厚六七月每梢挺出穗尺餘許數花攢生焉狀若胡枝花深紫色中心有黃點花謝結角絕似苦參莢而每角貯四五子霜降之後葉咸落矣春宜下子挿枝

金合歡



金合歡

木本矮小三月生葉似合歡葉細每枝間及葉根有雙刺比蜀
椒刺最銳六七月之交抽嫩條至于冬生蕾焉初綠色已開深
黃色狀如黑豆大而纖毛茸茸宛肖治耳器矣仍仔細視之有
萼六瓣纖毛出自其中而毛端點綴黃粉數十百萼重疊聚會
竟作一毬者也毬謝而結小莢性最畏寒嚴冬葉悉脫根可染
絳按續脩臺灣府志云荊毬花一名消息花者是也

金合歡



番石榴



質問本草附錄

番石榴

バンシロ

續脩臺灣府志引臺灣志略云番石榴俗名莉仔菱郊野徧生
花白頗香實稍似樹雖非佳品臺人食之味臭且澀而社番則
皆酷嗜焉本土罕有之邦人莫或茹子者

經船按樹
疑楸字


桫欏



質問本草附錄

栲椰 クロツグ

山谷徧生高丈餘無枝莖最長大四布其狀夾莖葉排列如鳥翼質似椶葉而堅韌幹有黑毛較椶毛頗剛勁可以為索得鹹水更愈韌矣是以巨舶皆用之春樹頭生穗著花色淡黃團團類魚子後結子大如川棟子黯褐色每穗不下數百顆材堅硬而有文理




蒲葵

蒲葵

ビラウ

隨地酷多形狀一與併欄無別止幹洪大直聳葉長稍薄其端
倒垂而已邦人採嫩葉漚灰汁製蓑衣及扇笠可以供清玩

鳳梨




質問本草附錄

鳳梨

アダム

鳳梨一名黃梨徐氏謂之阿咀呢樹高丈許枝條扶疎皮灰白色有橫紋葉似萬年青而長周邊及葉心一道有刺每梢頂輒三葉攢生參差如鳳尾花白若蓮瓣長數寸實類甜瓜淡黃膚起釘頭紋皆六稜擘之食味甘酸清芬襲人凡木有雌雄雄者有花而無子雌者無花而有子子着心之處有粗毫可以代筆用福州俗呼做木生毫根鬚可絢索

鳳梨




附十九

萋竹



質問本草附錄

報歲蘭



萋竹

高八九尺身如箭幹而堅實葉長一尺六七寸濶五六寸生筍
 自春至秋然三四月之交為最盛矣性良味美可以充饌葉可
 以作帆是箭竹之大葉者也

報歲蘭

山陰自生即建蘭之流亞也葉長殆三尺廣僅二寸嚴冬抽莖
高出于葉上一箭七八朵方立春日始花矣蠟瓣鮮麗心有朱
砂點幽芳馥郁特濃于春晨報歲之名蓋原於此矣按閩書拜
節蘭廣東新語賀正蘭或俱一物也



屈子花

屈子花

イリモテラン

閔雀瞿粵述云石上生一種黃花三四月間倒挂高巖之下遠望如金鋪可喜取植軒砌次年仍復璀璨其花宛一小金蓮而蕊際黃絨蒙茸如繡其枝幹似木賊而大節間另生枝葉葉如百合兩兩排比抱裹節上枝末又生細根如葱鬚一似寄生者土人名屈子花余改為金蓮花今我中山入面地方產一種草高四尺許葉兩兩排生春開黃花背淡面濃而紅點鮮明儼蘭花之態矣經久不殘故邦俗呼之壽蘭一名入面蘭形狀悉符閔氏所說

質問本草附錄終

質問本草書上梓既成

蔭世子

麟洲君使貞丈跋其尾貞丈固非博

物之徒然性如楮鞭之學苟得一

草一本則徵諸本草及花經等

譜又廣詢先輩名士尋訪折衷得

其說而後止爾來三十年得蒙

殆如飲食之於飢渴以故辱世子
知也竊聞是書之成墜定者三人
說合則未之二人雖合一人已違必
不登焉蓋其辨駁論究之至密
為緒鞭家之珍函矣貞丈不覺為
之擊節歎羨矣補薩侯世承大

藩琉球諸島皆為附庸則其物產
之夥非他邦之比而其揀擇之精
研窮之密固不待貞丈之筆贅稱
也况貴曹名家之序跋後先相映
復何所述但其辱愛之篤有不可
固辭者因書之以報盛意云

天保丙申歲八月吉

設樂貞丈敬跋



男貞溫薰沐拜書



郵嘉平刻

書質問本草後。此書之及下。則其下。遂
藩府藥園署。舊藏質問本草八卷。附錄一
卷。中山學士吳繼志所撰也。其書雖非典
雅。亦足以識清俗之稱謂。辨藥性之良毒。
審主療之補瀉。使飲食者。知有所取捨。而
所收錄僅二百餘種。彼中之產。豈啻盡于
此者乎哉。讀者頗為遺珠之憾矣。嚮安永

質問本草跋

末年。繼志來寓于藩府。村田經船勸之而
不止。於是繼志慨然。始有質問之念。如是
則經船實與有力。且採收分其勞。繪畫
資其費。亦不尠焉。近我

世子麟洲君。紹曾祖考之遺志。將
梓以頒于封內。令臣愿裁之。今茲丁酉秋。
剗剗既奏功。憶此書之成。可謂根基于經

船樹立于繼志而

世子能培植之矣。愿嘗聞繼志晚年有再

質之舉。而不幸下世。其子承成。嗣業弗懈。
更往復數年。亦著續質問本草若干
卷。惜哉其書未致焉。如果然則。必有他日
齋來之時。乃得與此編併行。殆當為全璧。
姑俟航載。

天保丁酉秋八月望日

侍醫

臣曾愿

謹識



[Faint bleed-through text from the reverse side of the page, including characters like '天保丁酉' and '侍醫']

發兌

日本橋通壹町目

須原屋茂兵衛

日本橋通二町目

山城屋佐兵衛

芝神明前三島町

和泉屋吉兵衛

